



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Ab Alexandro VII. Ad Clementem X.

Luxemburgi, MDCCXLII.

XLV. Quomodo sit intelligendum indultum de Officio B. Stanislai Societatis
Jesu recitando, & Missa in Poloniæ Regno, & Magno Ducatu Lithuanianæ
celebranda, nimirum in Ecclesiis prædictorum Regni, & ...

[urn:nbn:de:hbz:466:1-74833](https://nbn-resolving.org/urn:nbn:de:hbz:466:1-74833)

XLIV.

Quod Clerici Regulares Congregationis Theatinorum Officium de Purificatione Beatæ Virginis Mariæ cum Octava quotannis recitare valeant.

CLEMENS PAPA X.

Ad perpetuam rei memoriam.

Edita An. D. 1671.

Procemium.

AD Pastorale fastigium, nullo licet meritum suffragio per ineffabilem Divinæ Clementiæ abundantiam evecti, pia Christifidelium, eorum præsertim, qui Altissimi obsequiis sub suavi Religionis jugo mancipati, propriæ, alienæque salutis laudabiliter incumbunt, vana ad augendam in terris Gloriosissimæ Virginis Deiparæ Mariæ Patrônæ, & Advocatæ nostræ venerationem tendentia libenter exaudimus, eaque favoribus, & gratiis prosequimur opportunis.

Supplicatio.

§. 1. Cum itaque, sicut pro parte dilectorum filiorum Clericorum Regularium Congregationis Theatinorum Nobis nuper expositum fuit, ipsi Officium de Purificatione ejusdem B. Mariæ Virginis, quam in Patronam elegerunt, cum Octava recitare posse plurimum desiderent.

Indulget prout in rub.

§. 2. Nos eorum desiderio hac in re, quantum cum Domino possumus favorabiliter annuere volentes, & eorum singulares personas à quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis à jure, vel ab homine quavis occasione, vel causa latis, si quibus quomodolibet innodatæ existunt, ad effectum præsentium dumtaxat consequendum, harum serie absolventes, & absolutas fore censentes, supplicationibus etiam dilecti filii nobilis Viri Petri de Aragonia Ducis Segobricæ, & Cardonæ, Regni Neapolis Proregis, dum Oratoris munere pro Charissimo in Christo filio nostro Carolo Hispaniarum Rege Catholico ad præstandam Nobis ejusdem Caroli Regis nomine obedientiamungebatur, ac dilectæ in Christo filia nobilis mulieris Ducissæ Feriæ ejus conjugis nomine Nobis super hoc humiliter porrectis inclinati, omnibus, & singulis Clericis Regularibus prædictæ Congregationis Theatinorum, ut ipsi Officium de Purificatione memoratæ Virginis Gloriosissimæ Mariæ quotannis die secunda Februarii cum Octava recitare liberè, & licitè possint & valeant, auctoritate Apostolica, tenore præsentium concedimus, & indulgemus.

Decretum irritans.

§. 3. Decernentes easdem præsentibus litteras firmas, validas, & efficaces existere & fore, suoque plenarios, & integros effectus sortiri, & obtinere, ac illis ad quos spectat, & spectabit in futurum plenissimè suffragari. Sicque in præmissis per quoscumque Judices Ordinarios, & Delegatos, etiam Causarum Palatii Apostolici Auditores judicari, & definiri debere; ac irritum, & inane, si secus super his à quoquam quavis auctoritate scienter, vel ignoranter contigerit attentari.

Contrariis derogat.

§. 4. Non obstantibus Constitutionibus, & Ordinationibus Apostolicis, cæterisque contrariis quibuscumque.

Transumptorum fides.

§. 5. Volumus autem, ut ipsarum præsentium litterarum transumptis etiam impressis, manu alicujus Notarii publici subscriptis, & sigillo personæ in dignitate Ecclesiastica constitutæ munitis eadem prorsus fides in judicio, & extra illud adhibeatur, quæ præsentibus ipsis adhiberetur, si forent exhibitæ, vel offensa.

Dat. An. 2. die 20. Aug.

Datum Romæ apud S. Mariam Majorem, sub Annulo Piscatoris, die 20. Augusti 1671. Pontificatus Nostri Anno Secundo.

Quomodo fit intelligendum indultum de Officio B. Stanislai Societatis JESU recitando, & Missa in Polonia Regno, & Magno Ducatu Lithuania celebranda, nimirum in Ecclesiis prædictorum Regni, & Magni Ducatus quibuscumque etiam non Societatis JESU; extrà verò dicta loca ad solam ejusdem Societatis Religionem recitari Officium, & Missam celebrari posse declarat.

XLV.

Indultum de quo in rubrica habes supra in Const. 12. In Apostolico, hujus Pont.

CLEMENS PAPA X.

Ad perpetuam rei memoriam.

Edita An. D. 1671.

Motiva.

ALIIS piis, enixisque Charissimi in Christo filii nostri Michaelis Polonia Regis Illustris, ac dilectorum filiorum Præpositi Generalis, & Presbyterorum Societatis JESU precibus, Nobis humiliter porrectis favorabilem assensum præbere cupientes, de Venerabilium Fratrum nostrorum S. R. E. Cardinalium sacris Ritibus Præpositorum consilio, ut de Beato Stanislaio Kosika Polono ejusdem Societatis quotannis die 13. Nov. in univervo Regno Polonia, & Magno Ducatu Lithuania, necnon in Ecclesia Sancti Andrea in Monte Quirinali hujus Almæ Urbis nostræ, ubi ejusdem Beati Stanislai corpus requiescit, ac aliis omnibus, & singulis Ecclesiis dictæ Societatis JESU, Missa etiam à Sacerdotibus eo die ad Ecclesias hujusmodi confluentibus, & à Religiosis ejusdem Societatis ubicumque terrarum existentibus celebrari, & Officium recitari de Communi Confessorum non Pontificum, juxta Rubricas Breviarii, & Missalis Romani liberè, & licitè possent, & valerent, auctoritate Apostolica concessimus, & indulgimus, & alias prout in nostris desuper in simili forma Brevis die 16. Augusti 1670. expeditis litteris, quarum tenorem præsentibus pro plenè, & sufficienter expresso, & inserto haberi volumus, continetur.

§. 1. Cum autem sicut pro parte Presbyterorum Societatis præfatæ, Nobis nuper expositum fuit, à pluribus existimatum fuerit, Missam, & Officium hujusmodi non potuisse, neque posse celebrari, nisi in Ecclesiis dictæ Societatis, nec extra eas in prædictis Regno Polonia, & Magno Ducatu Lithuania, attentis verbis dictarum Litterarum, per quæ in omnibus, & singulis Ecclesiis dictæ Societatis, Missam etiam à Sacerdotibus eo die ad Ecclesias hujusmodi confluentibus, celebrari posse indulgetur: Nobis propterea dilectus filius Procurator Generalis ejusdem Societ. humiliter supplicari fecit, ut ad tollendum omne dubium, de opportuna declarationis gratia, in præmissis providere de benignitate Apostolica dignaremur.

Constitutionem quomodo intelligendam declarat.

§. 2. Nos igitur ipsius Procuratoris Generalis votis hac in re quantum cum Domino possumus favorabiliter annuere volentes, eumque à quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis à jure, vel ab homine, quavis occasione, vel causa latis, si quibus quomodolibet innodatus existit, ad effectum præsentium dumtaxat consequendum, harum serie absolventes, & absolutum fore censentes, hujusmodi supplicationibus inclinati, de memoratorum Cardinalium consilio, Litteras nostras præfatæ, quoad Regnum Polonia, & magnum Ducatum Lithuania, de omnibus Ecclesiis, & Personis intelligi debere; ita nempe, ut in univervo Regno Polonia, & magno Ducatu Lithuania hujusmodi omnes Sacerdotes tam Sæculares, quam Regulares cujuscumque status, gradus, ordinis, ac Clerus universus, possint, & valeant eadem die 15. Novembris

Missam, & Officium de eodem Beato Stanislao Kostka in eorum propriis Ecclesiis, & Domibus religiosis, aliisque locis sacris celebrare, & respective recitare; in aliis vero locis extendi ad solas Ecclesias Presbyterorum Societatis præfatæ, juxta facultatem in eisdem literis concessam, dicta auctoritate tenore præsentium declaramus: Salva tamen semper in præmissis auctoritate Congregationis præfatorum Cardinalium.

Decretum irritans.

§. 3. Decernentes easdem præsentibus literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis, ad quos spectat, & spectabit in futurum plenissime suffragari; Sicque in præmissis per quoscumque Judices ordinarios, & delegatos, etiam Causarum Palatii Apostolici Auditores, judicari, & definiri debere; ac irritum, & inane, si secus super his à quoquam quavis auctoritate scienter, vel ignoranter contigerit attentari.

Derogatio contrario. u.

§. 4. Non obstantibus præmissis, ac Constitutionibus, & Ordinationibus Apostolicis, cæterisque contrariis quibuscumque.

Transumptorum fides.

§. 5. Volumus autem, ut ipsarum præsentium literarum transumptis, seu exemplis etiam impressis, manu Secretarii dictæ Societatis, vel Notarii publici subscriptis, & sigillo alicujus personæ in Ecclesiastica dignitate constitutæ, vel Præpositi, aut Vicarii Generalis ejusdem Societatis pro tempore existentis munitis, eadem prorsus fides in judicio, & extra illud ubique locorum habeatur, quæ haberetur ipsis præsentibus, si forent exhibitæ, vel ostensæ.

Dat. P. A. 2. die 30. Sept.

Dat. Romæ apud S. Mariam Majorem, sub Annulo Piscatoris, die 30. Septemb. 1671. Pontificatus Nostri Anno Secundo.

XLVI.

Prohibet omnibus, & singulis Fratribus Ordinis Minorum S. Francisci Capuccinorum pro quacumque re obrinenda recursum ad personas extra eundem Ordinem.

De hac materia vide que indicavi tibi ad Const. 110. Admonet. Alexand. VII. ubi ad rem plura videre poteris, & ad Const. 17. Ecclesiæ, hujus Pont.

Edita A. D. 1671.

CLEMENS PAPA X.

Ad perpetuam rei memoriam.

Exordium.

EX injuncto Nobis cœlitis Apostolicæ servitutis munere in eam præcipuè curam sollicitis studiis incumbimus, ut regularem observantiam, religiosamque tranquillitatem inter Religiosos viros, eos præsertim, quos suave Christi jugum sub arctioris vitæ instituto amplexos, cæteris modestiæ, atque humilitatis, & religiositatis exemplo præluere decet, quantum nobis ex alto conceditur tueri, atque conservare satagamus.

Supplicatio.

§. 1. Supplicationibus itaque dilecti filii moderni Ministri Generalis Ordinis Fratrum Minorum S. Francisci Capuccinorum nuncupatorum nomine Nobis super hoc humiliter porrectis inclinati, eumque à quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis à jure, vel ab homine quavis occasione, vel causa latis, si quibus quomodolibet innodatus existit, ad effectum præsentium dumtaxat consequendum harum serie absolventes, & absolutum fore censentes; omnibus, & singulis dicti Ordinis Fratribus præsentibus, & futuris, ne de cætero ad obtinendas obedientias, sive permissiones visitandi eorum parentes, seu propinquos, aut loca sacra quacumque, vel ut ad dignitates, officia, aut mœnra qualibet ejusdem Ordinis, aut ad studia promoveantur, sive ut ab uno ad alium locum transfire, vel in aliquo particulari Conventu permane-

re eis liceat, vel ut cum eis dispensetur, ad hoc ut ante peractum septennale studium in Concionatores assumi, munusve Concionatoris exercere, aut ut ante completum in eodem Ordine septennium ad sacrum Presbyteratus ordinem promoveri valeant, sive ad alia similia consequenda tam pro se, quam pro aliis Ordinis præfati Fratribus ad quarecumque personarum extra eundem Ordinem existentium etiam quavis Ecclesiastica, vel mundana dignitate, præminencia, & potestate fungentium, aut alias specifica, & individua mentione, & expressione dignarum favores, suffragia, vel intercessionem, recurrere, illisve uti audeant quovis modo, vel præsumant sub excommunicationis lætæ sententiæ, ac privationis vocis activæ, & passivæ, ac graduum, & officiorum quorumcumque per eas obtentorum, perpetuæque inhabilitatis ad illa, & quævis alia in posterum obtinenda pœnis per contravenientes ipso facto absque alia declaratione incurrendis, auctoritate Apostolica tenore præsentium perpetuo prohibemus, & interdiciamus.

Prohibetur in rub.

§. 2. Decernentes easdem præsentibus literas, semper firmas, validas, & efficaces existere, & fore, suosque plenarios, & integros effectus sortiri, & obtinere, & ab illis, ad quos spectat, & pro tempore quancumque spectabit, inviolabiliter, & inconcussè observari; Sicque in præmissis per quoscumque Judices ordinarios, & Delegatos, etiam Causarum Palatii Apostolici Auditores judicari, & definiri debere; ac irritum & inane, si secus super his à quoquam quavis auctoritate, scienter vel ignoranter contigerit attentari.

Claufula præservat. v.

§. 3. Quocirca memorato Ministro Generali harum serie committimus, & mandamus, ut ipsas præsentibus literas in omnibus, & singulis Ordinibus præfati Provinciis & Conventibus quamprimum publicari curet, ne quisquam illarum ignorantiam allegare possit.

Executores præsentium deputat.

§. 4. Non obstantibus Constitutionibus, & ordinationibus Apostolicis, ac quatenus opus sit dicti Ordinis, ejusque Provinciarum, & Conventuum quorumlibet etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenores præsentibus pro plenè, & sufficienter expressis, ac de verbo ad verbum insertis habentes, illis aliis in suo robore permanentibus, ad præmissorum effectum hac vice dumtaxat specialiter, & expressè derogamus, cæterisque contrariis quibuscumque.

Contrariis derogat.

§. 5. Volumus autem, ut earumdem præsentium literarum transumptis, seu exemplis, etiam impressis, manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides in judicio, & extra habeatur, quæ haberetur ipsis præsentibus, si forent exhibitæ, vel ostensæ.

Transumptorum fides.

Datum Romæ apud Sanctam Mariam Majorem sub Annulo Piscatoris, die 2. Octob. 1671. Pontificatus Nostri Anno Secundo.

Dat. P. A. 1. die 2. Oct.

Quod Abbas Generalis Congregationis Vallis umbrosæ pro tempore existens Mozzettam, & Mantellettam, Pileum, & Biretum Prælatiis etiam in Capellis Pontificiis deferre, & gestare possit.

XLVII.

Simile Indultum concessit alteri Congregationi Alex. VII. Const. 99. & const. 167. Decet.